

SCRIPTA

Numéro Scripta : 4147

Auteur(s) : Louis IX, France (roi)

Bénéficiaire(s) : Bus-Saint-Rémy, Notre-Dame-du-Trésor (abbaye)

Genre d'acte : charte

Authenticité : non suspect

Datation : 1243, mars

Lieu d'émission : Beaumont-sur-Oise

Action juridique : donation

Langue du texte : latin

Analyse

Louis [IX], roi de France, donne à l'abbaye Le Trésor Notre-Dame et aux religieuses de cette abbaye ses terres sises à Bosc-Roger en Vexin normand et à Baudemont.

Tableau de la tradition

Éditions principales

- a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 1164, p. 319.

Texte établi d'après a

In nomine sancte et individue Trinitatis, amen. Ludovicus, Dei gratia, Francorum rex. Notum facimus quod nos, pro remedio anime nostre et animarum charissimi genitoris nostri, Ludovici, quondam regis Francorum illustris, et charissime domine matris nostre, Blanche, regine Francorum illustris, necnon et antecessorum nostrorum, abbatie Thesauri Beate Marie, Cisterciensis ordinis, site juxta Baudemontem, et monialibus ibidem Deo servientibus, dedimus in puram et perpetuam elemosinam triginta quatuor acras et dimidiam terre arabilis, quam habebamus apud Boscum Rogerii in Vulcassino Normano, et triginta unam acram et dimidiam de medietaria dicti loci, cum Corveliis adjacentibus dictis terris, et quatuor acras similiter terre arabilis sitas apud Baudemontem, a predictis monialibus possidendas in perpetuum et tenendas libere, pacifice et quiete, salvo eo quod in predictis nobis et heredibus nostris omnem justiciam retinemus. Quod ut perpetue stabilitatis robur obtineat, presentem paginam sigilli nostri auctoritate et regii nominis caractere inferius annotato fecimus communiri. Actum apud Bellum montem super Isaram, anno Incarnationis Dominice millesimo ducentesimo quadragesimo secundo, mense martio, regni vero nostri anno septimo decimo, astantibus in palatio nostro, quorum supposita sunt nomina et signa : dapifero nullo ; signum Stephani cubicularii ; signum Johannis camerarii ; constabulario nullo. Data, vacante cancellaria.